

大般若波羅蜜多經

第四百八十七

四十九  
劍七





大般若波羅蜜多經卷第四百八十七

三藏法師 玄奘奉 詔譯

第三分善現品第三之六

復次舍利子諸菩薩摩訶薩修行精進波羅蜜多時以一切智智相應作意而修精進波羅蜜多不雜聲聞獨覺作意持此善根以無

所得而為方便與諸有情平等共有迴向無上正等菩提修精進時能勤修學難行施行是為布施波羅蜜多大功德鎧修精進時勤護淨戒終無毀犯是為淨戒波羅蜜多大功德鎧修精進時能勤修學難行忍行是為安忍波羅蜜多大功德鎧修精進時能勤修學





有益苦行是爲精進波羅蜜多大功德鎧修  
精進時能勤修學靜慮等至是爲靜慮波羅  
蜜多大功德鎧修精進時能勤修學無取著  
慧是爲般若波羅蜜多大功德鎧舍利子如  
是菩薩摩訶薩修行精進波羅蜜多時具被  
六種波羅蜜多大功德鎧若菩薩摩訶薩以  
一切智智相應作意修行精進波羅蜜多時  
於六波羅蜜多相無取無得當知是菩薩摩  
訶薩被大功德鎧復次舍利子諸菩薩摩訶  
薩修行靜慮波羅蜜多時以一切智智相應  
作意而修靜慮波羅蜜多不雜聲聞獨覺作  
意持此善根以無所得而爲方便與諸有情



平等共有廻向無上正等菩提修靜慮時靜  
心行施亂心慳悋不復現前是爲布施波羅  
蜜多大功德鎧修靜慮時定心護戒令諸惡  
戒不復現前是爲淨戒波羅蜜多大功德鎧  
修靜慮時住慈悲定而修安忍不惱有情是  
爲安忍波羅蜜多大功德鎧修靜慮時安住

靜定勤修功德離諸懈怠是爲精進波羅蜜  
多大功德鎧修靜慮時依靜慮等引發勝定  
離擾亂心是爲靜慮波羅蜜多大功德鎧修  
靜慮時依靜慮等引發勝慧離惡慧心是爲  
般若波羅蜜多大功德鎧舍利子如是菩薩  
摩訶薩修行靜慮波羅蜜多時具被六種波

羅蜜多大功德鎧若菩薩摩訶薩以一切智  
智相應作意修行靜慮波羅蜜多時於六波  
羅蜜多相無取無得當知是菩薩摩訶薩被  
大功德鎧復次舍利子諸菩薩摩訶薩修行  
般若波羅蜜多時以一切智智相應作意而  
修般若波羅蜜多不雜聲聞獨覺作意持此  
劫善根以無所得而為方便與諸有情平等共  
四八七有迴向無上正等菩提修般若時雖施一切  
而能不見施者等三是為布施波羅蜜多大  
功德鎧修般若時雖護淨戒而能不見持犯  
差別是為淨戒波羅蜜多大功德鎧修般若  
時依勝空慧而修安忍不見能忍所忍等事



是爲安忍波羅蜜多大功德鎧修般若時雖  
觀諸法皆畢竟空而以大悲勤修善法是爲  
精進波羅蜜多大功德鎧修般若時雖修勝  
定而觀定境皆畢竟空是爲靜慮波羅蜜多  
大功德鎧修般若時觀一切法一切有情及  
一切行皆如幻夢光影響像陽焰變化及尋  
香城而修種種無取著慧是爲般若波羅蜜  
多大功德鎧舍利子如是菩薩摩訶薩修行  
般若波羅蜜多時具被六種波羅蜜多大功  
德鎧若菩薩摩訶薩以一切智智相應作意  
修行般若波羅蜜多時於六波羅蜜多相無  
取無得當知是菩薩摩訶薩被大功德鎧舍

利子如是名為諸菩薩摩訶薩普為利樂其  
切有情被大功德鎧舍利子諸菩薩摩訶薩  
安住一一波羅蜜多皆修六種波羅蜜多令  
得圓滿是故名被大功德鎧復次舍利子諸  
菩薩摩訶薩雖入靜慮無量無色而不味著  
亦不為彼勢力牽引亦不隨彼勢力受生舍  
利子劔是為菩薩摩訶薩修行靜慮波羅蜜多若四八七  
時所被方便善巧般若波羅蜜多大功德鎧  
復次舍利子諸菩薩摩訶薩雖於靜慮無量  
無色住遠離見寂靜見空無相無願見而不  
證實際不墮聲聞及獨覺地超勝一切聲聞  
獨覺舍利子是為菩薩摩訶薩修行靜慮波



羅蜜多時所被方便善巧般若波羅蜜多大  
功德鎧舍利子以諸菩薩普為利樂一切有  
情被如是等大功德鎧故復名摩訶薩舍利  
子如是普為利樂有情被大功德鎧菩薩摩  
訶薩普為十方殑伽沙等諸佛世界一切如  
來應正等覺處大眾中歡喜讚歎作如是言  
某方某世界中有某名菩薩摩訶薩普為利  
樂一切有情被大功德鎧嚴淨佛土成熟有  
情遊戲神通作所應作如是展轉聲遍十方  
人天等聞皆大歡喜咸作是言是菩薩摩訶  
薩不久當證所求無上正等菩提令諸有情  
皆獲利樂尔時舍利子問滿慈子言云何菩

薩摩訶薩普為利樂諸有情故發趣大乘滿  
慈子言諸菩薩摩訶薩普為利樂一切有情  
已被六種波羅蜜多大功德鎧復為利樂一  
切有情離欲惡不善法有尋有伺離生喜樂  
入初靜慮具足安住廣說乃至斷樂斷苦先  
喜憂沒不苦不樂捨念清淨入第四靜慮具  
足安住復依靜慮起慈俱心行相廣大無二  
無量無怨無害無恨無惱遍滿善修勝解周  
普充溢十方盡虛空窮法界慈心勝解具足  
而住起悲喜捨俱心行相勝解亦復如是依  
此加行復超一切色想滅有對想不思惟種  
種想入無邊空空無邊處具足安住廣說乃



至超一切無所有處入非想非非想處具足  
安住是菩薩摩訶薩持此靜慮無量無色以  
無所得而為方便與諸有情平等共有迴向  
無上正等菩提舍利子是為菩薩摩訶薩普  
為利樂諸有情故發趣大乘復次舍利子諸  
菩薩摩訶薩普為利益一切有情先自安住  
如如是靜慮無量無色於入住出諸行相狀善  
分別分別知得自在已復作是念我今應以一切  
智智相應作意大悲為首為斷有情諸煩惱  
故說諸靜慮無量無色分別開示令善了知  
諸定愛味過患出離及入住出諸行相狀持  
此善根以無所得而為方便與諸有情平等

如

若蓋八七

四

才

共有迴向無上正等菩提舍利子是爲菩薩  
摩訶薩依止靜慮波羅蜜多修行布施波羅  
蜜多普爲利樂諸有情故發趣大乘若菩薩  
摩訶薩以一切智智相應作意大悲爲首說  
諸靜慮無量無色時不爲聲聞獨覺等心之  
所間雜持此善根以無所得而爲方便與諸  
有情平等共有迴向無上正等菩提舍利子  
是爲菩薩摩訶薩依止靜慮波羅蜜多修行  
淨戒波羅蜜多普爲利樂諸有情故發趣大  
乘若菩薩摩訶薩以一切智智相應作意大  
悲爲首說諸靜慮無量無色時於如是法信  
忍欲樂持此善根以無所得而爲方便與諸



有情平等共有迴向無上正等菩提舍利子  
是為菩薩摩訶薩依止靜慮波羅蜜多修行  
安忍波羅蜜多普為利樂諸有情故發趣大  
乘若菩薩摩訶薩以一切智智相應作意大  
悲為首修諸靜慮無量無色時於諸善根勤  
修不息持此善根以無所得而為方便與諸  
劔有情平等共有迴向無上正等菩提舍利子  
若四八七是為菩薩摩訶薩依止靜慮波羅蜜多修行  
精進波羅蜜多普為利樂諸有情故發趣大  
乘若菩薩摩訶薩以一切智智相應作意大  
悲為首依諸靜慮無量無色引發殊勝等至  
等持解脫勝處遍處等定於入住出皆得自

在不墮聲聞獨覺等地持此善根以無所得  
而爲方便與諸有情平等共有迴向無上正  
等菩提舍利子是爲菩薩摩訶薩依止靜慮  
波羅蜜多修行靜慮波羅蜜多普爲利樂諸  
有情故發趣大乘若菩薩摩訶薩以一切智  
智相應作意大悲爲首修諸靜慮無量無色  
持於諸靜慮無量無色及靜慮支以無常苦  
無我行相及空無相無願行相如實觀察不  
捨大悲不墮聲聞及獨覺地持此善根以無  
所得而爲方便與諸有情平等共有迴向無  
上正等菩提舍利子是爲菩薩摩訶薩依止  
靜慮波羅蜜多修行般若波羅蜜多普爲利



樂諸有情故發趣大乘復次舍利子若菩薩  
摩訶薩以一切智智相應作意大悲爲首修  
慈定時作如是念我當濟恤一切有情皆令  
得樂修悲定時作如是念我當救護一切有  
情皆令離苦修喜定時作如是念我當讚勵  
一切有情皆令解脫修捨定時作如是念我

當等益一切有情皆令盡漏持此善根以無  
所得而爲方便與諸有情平等共有廻向無  
上正等菩提舍利子是爲菩薩摩訶薩依止  
無量修行布施波羅蜜多普爲利樂諸有情  
故發趣大乘若菩薩摩訶薩以一切智智相  
應作意大悲爲首於四無量入住出時終不

趣求聲聞等地唯求無上正等菩提欲盡未  
來利樂一切舍利子是為菩薩摩訶薩依止  
無量修行淨戒波羅蜜多普為利樂諸有情  
故發趣大乘若菩薩摩訶薩以一切智智相  
應作意大悲為首於四無量入住出時不雜  
聲聞獨覺作意唯於無上正等菩提信忍欲  
劍樂持此善根以無所得而為方便與諸有情  
若平等共有廻向無上正等菩提舍利子是為  
蓋菩薩摩訶薩依止無量修行安忍波羅蜜多  
八普為利樂諸有情故發趣大乘若菩薩摩訶  
七薩以一切智智相應作意大悲為首於四無  
六量入住出時勤斷諸惡勤修諸善求趣菩提  
才



曾無暫捨持此善根以無所得而爲方便與  
諸有情平等共有迴向無上正等菩提舍利  
子是爲菩薩摩訶薩依止無量修行精進波  
羅蜜多普爲利樂諸有情故發趣大乘若菩  
薩摩訶薩以一切智智相應作意大悲爲首  
於四無量入住出時引發種種等持等至能  
於其中得大自在不爲彼定之所引奪亦不  
隨彼勢力受生持此善根以無所得而爲方  
便與諸有情平等共有迴向無上正等菩提  
舍利子是爲菩薩摩訶薩依止無量修行靜  
慮波羅蜜多爲欲利樂諸有情故發趣大乘  
若菩薩摩訶薩以一切智智相應作意大悲

爲首於四無量入住出時以無常苦無我行  
相及空無相無願行相如實觀察不捨大悲  
不墮聲聞獨覺等地持此善根以無所得而  
爲方便與諸有情平等共有迴向無上正等  
菩提舍利子是爲菩薩摩訶薩依止無量修  
行般若波羅蜜多普爲利樂諸有情故發趣  
勸大乘舍利子諸菩薩摩訶薩依如是等方便  
四八七善巧修習六種波羅蜜多普爲利樂諸有情  
故發趣大乘復次舍利子若菩薩摩訶薩以  
一切智智相應作意大悲爲首修一切種四  
念住等三十七種菩提分法三解脫門乃至  
十力四無所畏四無礙解大慈大悲大喜大



捨十八佛不共法持此善根以無所得而爲  
方便與諸有情平等共有迴向無上正等菩  
提舍利子是爲菩薩摩訶薩普爲利樂諸有  
情故發趣大乘復次舍利子若菩薩摩訶薩  
以一切智智相應作意大悲爲首用無所得  
而爲方便修內空等智及真如等智持此善  
根以無所得而爲方便與諸有情平等共有  
迴向無上正等菩提舍利子是爲菩薩摩訶  
薩普爲利樂諸有情故發趣大乘復次舍利  
子若菩薩摩訶薩以一切智智相應作意大  
悲爲首用無所得而爲方便於一切法平等  
發起非亂非定智非常非無常智非樂非苦

智非我非無我智非淨非不淨智非空非不  
空智非有相非無相智非有願非無願智非  
寂靜非不寂靜智非遠離非不遠離智非真  
實非虛假智持此善根以無所得而爲方便  
與諸有情平等共有迴向無上正等菩提舍  
利子是爲菩薩摩訶薩普爲利樂諸有情故

發趣大乘復次舍利子若菩薩摩訶薩以一  
切智智相應作意大悲爲首所起妙智不行  
過去未來現在非不知三世法不行欲色無  
色界非不知三界法不行善不善無記非不  
知三性法不行有漏無漏非不知有漏無漏  
法不行世間出世間非不知世間出世間法



不行有爲無爲非不知有爲無爲法持此善  
根以無所得而爲方便與諸有情平等共有  
迴向無上正等菩提舍利子是爲菩薩摩訶  
薩普爲利樂諸有情故發趣大乘舍利子以  
諸菩薩由如是等方便善巧普爲利樂諸有  
情故發趣大乘故復名摩訶薩舍利子如是  
普爲利樂有情發趣大乘諸菩薩摩訶薩普  
爲十方殑伽沙等諸佛世界一切如來應正  
等覺處大衆中歡喜讚歎作如是言某方某  
世界中有某名菩薩摩訶薩普爲利樂一切  
有情發趣大乘成熟有情嚴淨佛土遊戲神  
通作所應作如是展轉聲遍十方人天等聞

劔

四八七

八

皆大歡喜咸作是言是菩薩摩訶薩不久當  
證所求無上正等菩提令諸有情皆獲利樂  
尔時具壽舍利子問具壽滿慈子言云何菩  
薩摩訶薩普爲利樂諸有情故乘於大乘滿  
慈子言若菩薩摩訶薩行深般若波羅蜜多  
時以一切智智相應作意大悲爲首用無所  
得而爲方便雖乘布施波羅蜜多而不得布  
施波羅蜜多亦不得菩薩受者施物及所遮  
法雖乘淨戒波羅蜜多而不得淨戒波羅蜜  
多亦不得菩薩及犯戒者并所遮法雖乘安  
忍波羅蜜多而不得安忍波羅蜜多亦不得  
菩薩及所忍境并所遮法雖乘精進波羅蜜



多而不得精進波羅蜜多亦不得菩薩及懈  
怠者并所遮法雖乘靜慮波羅蜜多而不得  
靜慮波羅蜜多亦不得菩薩及散亂者定境  
遮法雖乘般若波羅蜜多而不得般若波羅  
蜜多亦不得菩薩及愚癡者慧境遮法舍利  
子是為菩薩摩訶薩普為利樂諸有情故乘  
劔於大乘復次舍利子若菩薩摩訶薩以一切  
四ノ八七智智相應作意大悲為首用無所得而為方  
便為遣修故修三十七菩提分法三解脫門  
乃至如來十力四無所畏四無礙解大慈大  
悲大喜大捨十八不共法舍利子是為菩  
薩摩訶薩普為利樂諸有情故乘於大乘復

次舍利子若菩薩摩訶薩以一切智智相應  
作意大悲爲首用無所得而爲方便如實觀  
察諸菩薩摩訶薩但有假名菩提薩埵俱自  
性空不可得故色乃至識但有假名皆自性  
空不可得故眼處乃至意處但有假名皆自  
性空不可得故色處乃至法處但有假名皆  
自性空不可得故眼界乃至意識界但有假名  
皆自性空不可得故色界乃至法界但有假  
名皆自性空不可得故眼識界乃至意識界  
但有假名皆自性空不可得故無明乃至老  
死但有假名皆自性空不可得故三十七菩  
提分法乃至十八佛不共法但有假名皆自



性空不可得故內空乃至無性自性空但有  
假名皆自性空不可得故真如乃至實際但  
有假名皆自性空不可得故菩提佛陀但有  
假名俱自性空不可得故舍利子是爲菩薩  
摩訶薩普爲利樂諸有情故垂於大乘復次  
舍利子若菩薩摩訶薩從初發心乃至證得

一切智智用無所得而爲方便常修菩薩圓  
滿神通成熟有情嚴淨佛土從一佛國至一  
佛國親近供養諸佛卅尊於諸佛所聽受正  
法所謂大乘相應妙法亦是菩薩所學法要  
舍利子是菩薩摩訶薩雖乘大乘從一佛國  
至一佛國親近供養諸佛卅尊成熟有情嚴

淨佛土於諸佛所聽受正法而心都無佛土  
等想舍利子是菩薩摩訶薩住不二地觀諸  
有情應以何身而得度者即便現受如是之  
身舍利子是菩薩摩訶薩乃至證得一切智  
智隨所生處常不遠離大乘正法舍利子是  
菩薩摩訶薩不久當得一切智智為天人等  
轉正法輪如是法輪聲聞獨覺諸天魔梵阿  
素洛等所不能轉舍利子以諸菩薩普為利  
樂諸有情故乘於大乘故復名摩訶薩舍利  
子如是普為利樂有情乘於大乘菩薩摩訶  
薩普為十方殑伽沙等諸佛世界一切如來  
應正等覺處大衆中歡喜讚歎作如是言某

勅

卷四、八七

十

十



方某世界中。有某名菩薩摩訶薩。普爲利樂一切有情。乘於大乘。不久當得一切智智。爲天人等轉正法輪。其輪世間諸聲聞等。皆不能轉。如是展轉聲遍十方人天等聞。皆大歡喜。咸作是言。是菩薩摩訶薩。不久當得一切智智。轉妙法輪。度無量衆。尔時具壽善現白佛言。世尊。如世尊說。諸菩薩摩訶薩。被大乘鎧。齊何當言。諸菩薩摩訶薩。被大乘鎧。佛告鎧。現若菩薩摩訶薩。能被布施波羅蜜多鎧。乃至般若波羅蜜多鎧。是爲菩薩摩訶薩。被大乘鎧。若菩薩摩訶薩。能被四念住鎧。乃至八聖道支鎧。是爲菩薩摩訶薩。被大乘鎧。若菩薩摩

訶薩能被內空鎧乃至無性自性空鎧是為菩  
薩摩訶薩被大乘鎧若菩薩摩訶薩能被真如  
鎧乃至實際鎧是為菩薩摩訶薩被大乘鎧若  
菩薩摩訶薩乃至能被如來十力鎧乃至十八  
佛不共法鎧是為菩薩摩訶薩被大乘鎧若菩  
薩摩訶薩能被一切智道相智一切相智鎧是  
為菩薩摩訶薩被大乘鎧若菩薩摩訶薩能  
自變身如佛形像放大光明遍照三千大千  
世界乃至十方殑伽沙等諸佛世界與諸有  
情作饒益事是為菩薩摩訶薩被大乘鎧復  
次善現若菩薩摩訶薩被如是等諸功德鎧  
放大光明遍照三千大千世界乃至十方殑

劫

四八七

十一

十



伽沙等諸佛世界亦令諸界六種變動與諸有情作大饒益謂滅一切地獄熾火令彼有情衆苦止息菩薩知彼衆苦息已化作廣大歸佛音聲敬禮如來應正等覺令彼地獄聞佛聲已皆得身心安隱喜樂從地獄出生天人中逢事彼界諸佛菩薩亦令一切傍生餓鬼聞佛聲已身心安樂從彼趣沒生天人中逢事彼界諸佛菩薩善現是爲菩薩摩訶薩被大乘鎧善現如巧幻師或彼弟子住四衢道對大衆前化作地獄傍生鬼界復爲稱讚佛法僧寶令彼聞已身心安樂從彼趣沒生天人中於意云何如是幻事爲有實不善現

答言不也。卅尊佛告善現。諸菩薩摩訶薩。亦復如是。雖令無數無邊世界諸有情類。脫三惡趣而無有情得解脫者。所以者何。諸法性相皆如幻。故復次善現。若菩薩摩訶薩。能被布施波羅蜜。多大功德。鎧普化三千大千世界。如吠瑠璃。自身化作轉輪聖王。七寶眷屬無不圓滿。諸有情類。須食與食。須飲與飲。須衣與衣。須乘與乘。須餘資具。悉皆施與。作是施已。隨其所宜。復爲宣說布施淨戒安忍精進靜慮般若波羅蜜。多相應之法。令彼聞已。乃至無上正等菩提。常不捨離波羅蜜。多相應之法。善現。是爲菩薩摩訶薩。被大乘鎧善。



現如巧幻師或彼弟子住四衢道對大衆前  
化作種種貧乏有情隨意所湏皆化施與於  
意云何如是幻事爲有實不善現答言不也  
世尊佛告善現諸菩薩摩訶薩亦復如是能  
被布施波羅蜜多大功德鎧或化世界如吠  
瑠璃或化自身居輪王位隨有情類所湏施  
劍與及爲宣說波羅蜜多相應之法如是菩薩  
四八七雖有所爲而無其實所以者何諸法性相皆  
如幻故復次善現若菩薩摩訶薩自被淨戒  
波羅蜜多大功德鎧爲有情故生輪王家紹  
輪王位富貴自在安立無量百千俱胝那庾  
多衆於十善業道或四靜慮四無量四無色

定或三十七菩提分法廣說乃至十八佛不  
共法亦爲宣說如是功德相應之法令其安  
任乃至無上正等菩提常不捨離善現是爲  
菩薩摩訶薩被大乘鎧善現如巧幻師或彼  
弟子任四衢道對大衆前化作無量百千有  
情令其安任十善業道廣說乃至十八佛不  
共法於意云何如是幻事爲有實不善現答  
言不也世尊佛告善現諸菩薩摩訶薩亦復  
如是爲有情故生輪王家紹輪王位富貴自  
在安立無量百千俱胝那庾多衆於十善業  
道廣說乃至十八佛不共法如是菩薩雖有  
所爲而無其實所以者何諸法性相皆如幻



故復次善現若菩薩摩訶薩自被安忍波羅  
蜜多大功德鎧亦勸無量百千有情令被安  
忍波羅蜜多大功德鎧善現云何菩薩摩訶  
薩自被安忍波羅蜜多大功德鎧亦勸無量  
百千有情令被安忍波羅蜜多大功德鎧善  
現若菩薩摩訶薩從初發心乃至證得一切  
智智被安忍鎧常作是念假使一切有情之  
類皆持苦具謂刀杖等來相加害我終不起  
一念忿心勸諸有情亦修是忍善現是菩薩  
摩訶薩如心所念皆能成辦乃至無上正等  
菩提常不捨離如是安忍亦令有情修如是  
忍善現是為菩薩摩訶薩被大乘鎧善現如

劍

若四、八七

十三

巧幻師或彼弟子住四衢道對大衆前化作種種諸有情類或持苦具更相加害或有相勸修安忍法於意云何如是幻事爲有實不善現荅言不也世尊佛告善現諸菩薩摩訶薩亦復如是自被安忍波羅蜜多大功德鎧亦勸無量百千有情令被安忍波羅蜜多大功德鎧如是菩薩雖有所爲而無其實所以者何諸法性相皆如幻故復次善現若菩薩摩訶薩自被精進波羅蜜多大功德鎧亦勸無量百千有情令被精進波羅蜜多大功德鎧善現云何菩薩摩訶薩自被精進波羅蜜多大功德鎧亦勸無量百千有情令被精進



波羅蜜多大功德鎧善現若菩薩摩訶薩以一切智智相應作意大悲爲首發趣種種身心精進亦勸無量百千有情發趣種種身心精進善現是爲菩薩摩訶薩被大乘鎧善現如巧幻師或彼弟子住四衢道對大衆前化作種種諸有情類自修精進亦勸他修於意云何如是幻事爲有實不善現答言不也卅尊佛告善現諸菩薩摩訶薩亦復如是以一切智智相應作意大悲爲首自修精進亦勸有情令修精進如是菩薩雖有所爲而無其實所以者何諸法性相皆如幻故復次善現若菩薩摩訶薩自被靜慮波羅蜜多大功德

鎧亦勸無量百千有情令被靜慮波羅蜜多  
大功德鎧善現云何菩薩摩訶薩自被靜慮  
波羅蜜多大功德鎧亦勸無量百千有情令  
被靜慮波羅蜜多大功德鎧善現若菩薩摩  
訶薩住一切法平等性中不見諸法有定有  
亂而常修習如是靜慮波羅蜜多亦勸有情  
劔 四八七  
修習如是平等靜慮乃至無上正等菩提不  
離如是平等靜慮善現是為菩薩摩訶薩被  
大乘鎧善現如巧幻師或彼弟子任四衢道  
對大衆前化作種種諸有情類令修諸法平  
等靜慮亦令勸修如是靜慮於意云何如是  
幻事為有實不善現答言不也世尊佛告善



現諸菩薩摩訶薩亦復如是任一切法平等  
性中亦勸有情修如是定如是菩薩雖有所  
爲而無其實所以者何諸法性相皆如幻故  
復次善現若菩薩摩訶薩自被般若波羅蜜  
多大功德鎧亦勸無量百千有情令被般若  
波羅蜜多大功德鎧善現云何菩薩摩訶薩  
自被般若波羅蜜多大功德鎧亦勸無量百  
千有情令被般若波羅蜜多大功德鎧善現  
若菩薩摩訶薩住無戲論甚深般若波羅蜜  
多不得諸法此岸彼岸染淨差別亦勸無量  
百千有情安住如是無戲論慧善現是爲菩  
薩摩訶薩被大乘鎧善現如巧幻師或彼弟

子住四衢道對大衆前化作種種諸有情類  
令自安住無戲論慧亦令勸他住如是慧於  
意云何如是幻事爲有實不善現答言不也  
世尊佛告善現諸菩薩摩訶薩亦復如是自  
能安住無戲論慧亦勸有情住如是慧如是  
菩薩雖有所爲而無其實所以者何諸法性  
相皆如幻故復次善現若菩薩摩訶薩被如  
上說諸功德鎧觀察十方殑伽沙等諸佛世  
界一切有情若諸有情攝受邪法行諸惡行  
是菩薩摩訶薩以神通力自變其身遍滿如  
是諸佛世界隨彼有情所樂示現自行布施  
波羅蜜多亦勸他行布施波羅蜜多如是乃

劍

四〇八七

十五



至自行般若波羅蜜多亦勸他行般若波羅  
蜜多作是事已復隨類音爲說六種波羅蜜  
多相應之法令彼聞已乃至無上正等菩提  
常不捨離如是妙法善現是爲菩薩摩訶薩  
被大乘鎧善現如巧幻師或被弟子住四衢  
道對大衆前化作種種諸有情類令自安住  
布施波羅蜜多乃至般若波羅蜜多亦勸他  
住布施波羅蜜多乃至般若波羅蜜多於意  
云何如是幻事爲有實不善現答言不也世  
尊佛告善現諸菩薩摩訶薩亦復如是普於  
十方殑伽沙等諸佛世界自現其身隨宜安  
住布施等六波羅蜜多常不捨離亦勸他住

布施等六波羅蜜多常不捨離如是菩薩雖有所爲而無其實所以者何諸法性相皆如幻故復次善現若菩薩摩訶薩被如上說諸功德鎧以一切智智相應作意大悲爲首用無所得而爲方便利益安樂一切有情不雜聲聞獨覺作意是菩薩摩訶薩不作是念我當安立尔所有情令住布施波羅蜜多尔所有情不當安立令住布施波羅蜜多但作是念我當安立無量無數無邊有情令住布施波羅蜜多如是乃至不作是念我當安立尔所有情令住般若波羅蜜多尔所有情不當安立令住般若波羅蜜多但作是念我當安



立無量無數無邊有情令住般若波羅蜜多  
不作是念我當安立尔所有情令住内空尔  
所有情不當安立令住内空但作是念我當  
安立無量無數無邊有情令住内空如是乃  
至不作是念我當安立尔所有情令住無性  
自性空尔所有情不當安立令住無性自性  
空劍但作是念我當安立無量四八七無數無邊有情  
令住無性自性空不作是念我當安立尔所  
有情令住三十七菩提分法尔所有情不當  
安立令住三十七菩提分法但作是念我當  
安立無量無數無邊有情令住三十七菩提  
分法不作是念我當安立尔所有情令住三

解脫門。尔所有情不當安立。令任三解脫門。但作是念。我當安立無量無數無邊有情。令任三解脫門。廣說乃至不作是念。我當安立。尔所有情。令任如來十力。乃至十八佛不共法。尔所有情不當安立。令任如來十力。乃至十八佛不共法。但作是念。我當安立無量無數無邊有情。令任如來十力。乃至十八佛不共法。尔所有情不當安立。令任預流果。乃至獨覺菩提。尔所有情不當安立。令任預流果。乃至獨覺菩提。但作是念。我當安立無量無數無邊有情。令任預流果。乃至獨覺菩提。不作是念。我當安立。尔所有情。令任覺菩提。不作是念。我當安立。尔所有情。令任



無上正等菩提。尔所有情不當安立。今住無上正等菩提。但作是念。我當安立無量無數無邊有情。今住無上正等菩提。善現。是為菩薩摩訶薩。被大乘鎧。善現。如巧幻師。或彼弟子。住四衢道。對大衆前。化作無數無量有情。今住六種波羅蜜多。乃至無上正等菩提。於

十七

意云。何如是幻事。為有實不善現。答言。不也。世尊。佛告善現。諸菩薩摩訶薩。亦復如是。以一切智智相應作意。大悲為首。用無所得而為方便。安立無數無量有情。今住六種波羅蜜多。乃至無上正等菩提。如是菩薩雖有所為。而無其實。所以者何。諸法性相皆如幻。故

大般若波羅蜜多經卷第四百八十七 勅





